



CEFE BiH



JAVNI POZIV

Za učešće u CEFE Programu podrške poduzetništvu

CEFE program podrške poduzetništvu gradovima Gračanica i Srebrenik

Gradovi Gračanica i Srebrenik i Udruženje trenera CEFE u BiH, kroz projekat podržan od strane Ambasade Sjedinjenih Američkih Država u BiH, pozivaju osobe zainteresovane za poduzetnički angažman – pokretanje vlastitog poslovnog poduhvata, da se prijave za učešće u **CEFE Programu podrške poduzetništvu** koji se organizuje na teritoriji i uz podršku Gradova Gračanica i Srebrenik.

Kroz **CEFE Program podrške poduzetništvu**, polaznicima će biti osigurana obuka u jačanju ličnih poduzetničkih kapaciteta, podrška u izradi biznis plana i tehnička podrška u registraciji i pokretanju biznisa. Za najbolje ocijenjene biznis planove osigurana je finansijska podrška pokretanju biznisa, te, u skladu sa mogućnostima i procijenjenim potrebama, dugoročna mentorska podrška kroz Mrežu podrške poduzetništvu.

Prijave po ovom Javnom pozivu moguće je predati do 15.06.2020. godine u prostorijama Grada Srebrenik: (Putem pisarnice, ul. Varoških polja bb., 75350 Srebrenik, sa naznakom: Ne otvarati, Javni poziv za start-up), ili na email adresu poduzetnistvo@srebrenik.ba (Predmet/Subject: Prijava na javni poziv za start-up).

Uvodne informacije

Udruženje trenera CEFE u BiH (CEFE BIH), od 2005. godine aktivno pruža podršku razvoju poduzetništva u BiH. Osnova rada je međunarodno priznata *CEFE metodologija*, nastala i razvijana u Njemačkoj. CEFE metodologija predstavlja sveobuhvatan skup vježbi i instrukcija osmišljenih da stimuliraju pozitivne promjene u različitim razvojnim procesima putem metoda iskustvenog učenja. Na taj način, učesnicima se omogućava da razviju svoje poduzetničke vještine i da na zabavan način i u sigurnom okruženju prožive situacije koje ih čekaju u poslovnom svijetu, te da sagledaju sopstvene resurse i snage i prilagode vlastito ponašanje.

Radi unapređenja poticajnih politika na lokalnom nivou i koordinacije i stalnog unapređenja sistema podrške CEFEBiH je u 2019. godini inicirao uspostavu **Mreže podrške poduzetništvu** – neformalne koalicije institucija, organizacija i kompanija. Članice mreže promovišu aktivan odnos u podršci poduzetnicima, suradnju na razvoju novih poticajnih politika i unapređenje javne percepcije poduzetništva. Jedan od ključnih praktičnih alata za realizaciju misije **Mreže podrške poduzetništvu** je CEFÉ Program podrške poduzetništvu.

CEFE Program podrške poduzetništvu na teritoriji gradova Gračanica i Srebrenik, realizuje se na osnovu Ugovora o suradnji između Gradova Gračanica i Srebrenik i Udruženja trenera CEFÉ u BiH. Realizacija aktivnosti podržana je od strane Ambasade SAD u BiH i Gradova Gračanica i Srebrenik.

Opis programa podrške

1. Predmet poziva: podnošenjem prijave na ovaj Javni poziv, zainteresovani kandidati se apliciraju za učešće u CEFÉ programu podrške poduzetništvu, koji se realizuje u partnerstvu Gradova Gračanica i Srebrenik i CEFÉ BiH.

2. Prihvatljivi poslovni poduhvati za učešće u programu podrške: CEFÉ program podrške poduzetništvu otvoren je za aplikante i poslovne poduhvate koje kao rezultat podrazumijevaju formalno osnivanje privrednog subjekta, bez obzira na formu registracije. Neprihvatljivim se smatraju samo oni poslovni poduhvati koji imaju negativan uticaj na ljudsko zdravlje (npr. alkoholna pića, duhanski proizvodi, itd.) ili okoliš.

3. Podnosioci/podnositeljice: Na ovaj poziv prijaviti se mogu fizička lica sa mjestom boravka na području grada Srebrenik. Ciljne grupe koje imaju prednost pri apliciranju su mlade osobe (do 35 godina) i žene.

- Međutim, bilo koja osoba (nevezano za spol, dob, seksualnu orijentaciju, nacionalnost, invalidnost, ili pripadnost manjinama) sa mjestom prebivališta u Srebreniku ima pravo aplicirati na Javni poziv.
- Pravo prijave na ovaj Javni poziv imaju i fizička lica koja su registrirala obrt ili privredno društvo u zadnjih 6 mjeseci od dana objave ovog Javnog poziva (od 01.06.2020).

Od polaznika se očekuje:

- *Poslovna ideja, čija razrada će biti predmetom rada u programu podrške,*
- *Stručna sprema i potrebno tehničko iskustvo u struci koja je relevantna za pokretanje poslovnog poduhvata. Ovo se naročito odnosi na poduhvate čija registracija zahtijeva odgovarajuću formalnu stručnu spremu osnivača,*
- *Spremnost za lični rast i razvoj u oblasti poslovnih i poduzetničkih vještina.*

4. Podnošenje prijave za učešće – prijave se zaprimaju do 15.06.2020. godine, ispunjavanjem odgovarajućeg *Aplikacionog formulara*.

Aplikaciju je moguće predati lično, u prostorijama Grada Srebrenik: (**Putem pisarnice, ul. Varoških polja bb., 75350 Srebrenik, sa naznakom: Ne otvarati, Javni poziv za start-up**), ili elektronski putem email adrese poduzetnistvo@srebrenik.ba (**Predmet/Subject: Prijava na javni poziv za start-up**). Nepotpune prijave neće biti uzeti u obzir. Nakon isteka ovog Javnog poziva, zaprimljene prijave će biti ocijenjene od strane komisije sastavljene od predstavnika CEFE BiH, Gradova Gračanica i Srebrenik i nezavisnih eksperata. Najbolje ocijenjenih 15 kandidata će biti prihvaćeno u Program. U slučaju odustanka pojedinih kandidata, naredni kandidati, prema dodijeljenoj ocjeni, će biti pozvani da učestvuju u programu.

5. Dostupni tipovi podrške: Polaznici CEFE programa podrške poduzetništvu učešćem u programu dobijaju:

1. Obuku u jačanju ličnih poduzetničkih kapaciteta,
2. Mentorstvo u razvoju biznis plana za odabrani poduhvat,
3. Podršku u prezentaciji poslovnog poduhvata stručnoj komisiji,
4. Finansijsku podršku u pokretanju poslovnog poduhvata (samo za najbolje ocijenjene učesnike).

Komponente podrške prikazane na gornjoj listi će biti ponuđene poduzetnicima koji budu uspješno savladavali individualne cikluse programa. Podrška u svakom ciklusu uslovljena je uspješnim završetkom prethodnog ciklusa. U slučaju neispunjavanja preuzetih obaveza, organizatori zadržavaju pravo da isključe bilo kojeg učesnika iz programa podrške.

Elementi programa podrške

Podrška razvoju poslovnih poduhvata se sastoji od više faza. Kandidati (učesnici) koji uspješno kompletiraju zadatke postavljene u trenutnoj, dobijaju priliku da učestvuju u narednoj fazi podrške:

- **Faza 1:** procjena kvaliteta poslovne ideje te ličnih kapaciteta i posvećenosti poduzetnika. Sastoji se od dvodnevnog događaja na kojem se procjenjuje kvaliteta i originalnost poslovne ideje te kompetencije i posvećenost poduzetnika realizaciji. Uspjeh u ovoj fazi podrazumijeva potvrđenu posvećenost poduzetnika realizaciji poduhvata te spremnost za učenje - prihvatanje novih znanja iz oblasti poduzetništva;
- **Faza 2:** Validacija poslovne ideje. U ovoj fazi učestvuju poduzetnici koji su uspješno završili prvu fazu. U ovoj fazi, koja ukupno traje 2 mjeseca, organizuju se 2 dvodnevna događaja uz seriju zadataka za samostalni rad;
- **Faza 2.a:** Izrada biznis plana poslovnog poduhvata. Faza se realizuje paralelno sa aktivnostima obuke opisanim u okviru faze 2 a podrazumijeva mentorstvo u izradi svih dijelova biznis plana, uključujući i finansijske projekcije;
- **Faza 3:** Predstavljanje poslovnih modela pred stručnom komisijom za ocjenu poslovnih planova.
- **Faza 4:** Finansijska podrška: Najboljim poslovnim poduhvatima biće ponuđena finansijska podrška u pokretanju biznisa. Očekivani iznos podrške je 5.000 KM a broj podržanih biznisa je 2.
- **Faza 5:** U slučaju biznisa čiji kvalitet i potencijal ukazuje na značajniji komercijalni i potencijal za kreiranje radnih mjesta dostupna je dodatna stručna i mentorska podrška.

Formular za prijavu zainteresovana lica mogu preuzeti na web stranicama Grada Srebrenik (www.srebrenik.ba) i CEFE BiH (cefebih.org) ili lično na info pultu Gradske uprave Grada Srebrenik, ul. Varoških polja bb.

Popunjen formular moguće je predati u pismenoj ili elektronskoj formi. Pismena prijava se predaje putem pisarnice, ul. Varoških polja bb., 75350 Srebrenik, sa naznakom: „Ne otvarati, Javni poziv za start-up“, dok je elektronsku prijavu moguće poslati na email poduzetnistvo@srebrenik.ba (Predmet/Subject: Prijava na javni poziv za start-up). Za bilo koji od ponuđena načina predaje prijave, bitno je osigurati da je formular popunjen u potpunosti, odnosno da nema nedostajućih informacija.

Datum: 01.06.2020.

Broj: 07-189-1/20

Gradonačelnik
dr.sci. Nihad Omerović, s.r.